



1621_029.jpg



1621_717.jpg



Histoire de nostre temps.

717

mis vifs en quatre quartiers, leurs membres mis sur les quatre grâds chemins de Prague, & leurs testes & leurs mains droictes fichees au haut d'une lance sur les Tours du bout du pōt. Mais par grace de sa Majesté Imperiale, leur suplice fut adoucy, sçavoir le Comte de Schlic à avoir la main dextre & la teste coupees, & fichees sur vne des Tours du bout du pont: Et les deux autres à avoir chacun la teste coupee.

Condamnez à la mort.

De l'ordre des Cheualiers.


Le Baro Borislav de Michalovits le vieil, Burgrave du Circle de Græcen, aussi l'un des Directeurs, & Gaspar Capler aussi Directeur, à avoir chacun la teste & la main dextre coupees & fichees sur ladite tour. Henry Otto de Lofs, inferieur Burgrave de Carlostein & inferieur Châbellan de Boheme Directeur, Frideric de Billav Capitaine feudataire Directeur, & Guillaume Coneg de Chimesci Directeur, Denis Theschrin Capitaine du Chasteau de Prague, & Procope Duorsetzci, estoient condamnez à avoir chacun la teste trenchée.

Condamnez à la mort.


De l'ordre des Citoyens.

Leandre Ruppel du Conseil Secret de l'Electeur Palatin; & George Havenschlid Conseiller des appellations, Aduocat & Commissaire: ces deux estoient condamnez d'avoir chacun la teste & la main droicte coupees & fichees sur lesdictes tours; ils ne furent amenez devant les Commissaires, mais on leur fit pro-


1621_718.jpg




1621_030.jpg



1621_719.jpg



1621_031.jpg



Histoire de nostre temps.

31


dre aux soldats d'estre modestes enuers les
grands, & de ne les offencer par gaulseries &
brocards.

Puis que nous sommes rumbes sur ceste
insolence de soldats, ie feray icy vne digre-
ssion; Comme ie monstrois au mois d'Aoust
de l'annee 1621. à vn personnage qui reue-
noit du siege de Clerac, ce passage de Londor-
pius, & ceste punition exemplaire que l'Esle-
cteur de Saxe auoit faiet de faire pendre des
soldats qui par derision l'auoient appellé *Chasseur*,
voulans dire, qu'il ne deuoit pas assieger des
places, luy qui n'auoit iamais faiet d'autre exer-
cice que celui de tuer des bestes à la chasse: il
me dit, Que les Rebelles Protestans en Lan-
guedoc, vsoient d'un semblable surnom enuers
le Roy, & qu'ils l'appelloient *lou Cassaire* qui
est à dire en leur langue le *Chasseur*, pour ce
que sa Majesté ayme sur tous exercices celui de
la chasse: & comme on le rapportoit à sadite
Majesté, ils ont raison, dit-il, de m'appeller *Chasseur*,
car i'ay bien resolu de ne laisser point la chasse que i'ay
commencée contre des bestes si sauuages & desobeissan-
tes, que ie ne les aye rendues humbles & dociles, &
que ie n'aye faiet abbatre les hayes de leurs retraictes,
& combler leurs fosses & tannieres.


Retournons veoir ce qui se passa à la reddition
de Bautlen: où l'Eslecteur de Saxe estant entré
dedans, & iour pris pour renouueller le sermēt
de fidelité, il se fit en grande ceremonie dans
le Palais, où ledit Eslecteur s'estant assis en la
place du President du Senat, & ceux de son

*Ce que le
Roy dit de
ceux de la
Religion pra-
ttendue refor-
mee en Lan-
guedoc, qui
s'appelloient
lou Cassaire.*

1621_032.jpg



1621_033.jpg



1621_721.jpg

Histoire de nostre temps.

721

Premierement le Comte de Schlic, vestu d'une robe de soye noire, tenât un liure en sa main, s'en alla recevoir le supplice: l'homme destiné pour luy presenter la Croix la luy presenta: son serviteur le devestit, puis l'exécuteur luy coupa la teste. Ce serviteur puis apres luy mit la main sur un billot de bois, laquelle luy fut aussi coupée, & gardée ensemble avec la teste: le corps fut enroulé dans le drap dessus lequel il estoit agenouillé; puis fut emporté de l'eschaffaut par les six personnes susdites toutes couvertes de noir; tellement que le corps ne fut nullement touché du bourreau: ainsi consecutiuellement de tous les autres qui furent decapitez.

Quant à Jean Theodore Sixte, qui estoit des condamnés à avoir la teste tranchée, il fut sur l'eschaffaut, où se voulant agenouiller, on le fit redescendre, & fut remené en prison pour y demeurer iusques à ce que sa M. I. seroit à Prague.


Cependant que l'exécuteur de Iustice decapitoit ces 21. personnes, ses valets pendirent aussi les trois qui y estoient condamnés, & donnerent le fouët à trois autres: tellement que toute ceste execution qui commença sur les cinq heures fut acheuée à dix.

Douze testes furent fichées sur les deux tours du pont, à chacune six: la main de Leander Ruppel fut clouée à la maison du Conseil de la vieille ville. Le D. Iessenius ne fut pas mis en quatre quartiers sur l'eschaffaut, ains vers le gibet: puis ses quartiers furent pendus sur les quatre grands chemins. Nicolas Dibis qui avoit esté condamné

Z z

7. Tome.

1621_034.jpg



M. DC. XXI.

34
en leurs logements prez de Bautsen, où le Marquis les poursuivit le lendemain avec quatorze compagnies de cavallerie, & vnze d'infanterie: Ce que voyant l'Eslekteur, il luy alla au deuant avec toute sa cavallerie, & le fit retourner face en diligence vers ses retranchements prez Gorlits.

*Guben ren-
du à l'Esle-
kteur de
Saxe.*

Or l'Eslekteur estant plus fort en canons, cavallerie & infanterie que le Marquis, il reprit avec son armee le chemin de Gubé qu'il assiegea & (comme on dit) prit à la barbe du Marquis de Iagerndorf; Et voyant ledit Eslekteur qu'il avoit d'oresnavant plus à combattre le froid & les neiges que les ennemis, il remena son armee vers Bautsen, d'où il rescrivit la lettre suivante aux Princes & Estats de Silesie qui s'estoient assemblez à Preslav, pour resoudre ce qu'ils devoient respondre à l'Eslekteur Palatin & aux Deputez de divers endroiets, qui les exhortoient de continuer leur Confederation.

*Lettre de
l'Eslekteur de
Saxe aux E-
stats de Sile-
sie.*

Vous n'ignorez point (tres-Illustres & Generaux &c.) comme depuis deux ans & demy que les troubles de Boheme ont commencé par vne petite estincelle d'esmotion, le feu des guerres civiles en est devenu si grand, qu'il s'est espan- du en la haute & basse Silesie, & aux Prouin- ces incorporees à la Boheme, qu'il a toutes gas- tees & ruinees. Vous ne doutez point de la peine que j'ay prise pour tascher d'esteindre ce feu dans ses cendres dès son commencement, tant enuers le feu Empereur Matthias, en le

supplian
ceux de
gueur:
aduerri
leur Ro
tres Pr
ference
tres, &
ce entr
n'avez
heme
ny dess
der, qu
thorite
en leur
en l'ex
que fe
propo
suspens
en Co
ayant
des de
la mor
bonne
peut r
Bohem
ayant
Roya
lettre
propo
depuis
fort p

Image issue du site mercurefrancois.ehess.fr - Cliché (c) Cécile Soudan